

SECTIO SEPTIMA DE  
TROCHISCIS.

\*



Ροχισκιον, κυκλισκιον, ἀρσισκιον, Græcis  
omnibus, & alio quoque diminutio  
ποχισκιον, κυκλισκιον, Democrati di-  
citur medicamentum quoduis in for-  
mam rotulæ, orbiculi, pastilli, qualis  
est semini lupino, coactum. Eius gene-

ris sunt antidoti cephalica, otica, ophthalmica, arteriaca,  
& hypoglottides multa. Trita simplicia humore conueniē-  
ti subiguntur, & in pastillos digeruntur, utendi tempore  
20 ex vino, aqua alio quouis liquore congruenti soluti, ebibun-  
tur: vel admouentur, vel alijs miscentur. Trochisci enim  
quidam magnis compositionibus miscentur, ut theriaci,  
bedychroi, scillini theriaca in ea dicti, alipta moschata, gal-  
lia moschata, diarhodon, & alij permulti alijs, de quibus  
hic agendum, uti & de his, qui interdum per se vsurpan-  
tur, interdum alijs miscentur, quidam sumuntur, alij illi-  
nuntur, alij injiciuntur.

IN hac sectione septima de trochiscis, eos præcipuè descri-  
bemus, qui tum à maioribus nostris, tum à nobis sunt inuē-  
20 ti: quosque experti sumus.

Trochiscorum sequentium vsus est rarus, præter quàm  
in magnis compositionibus, ut theriace: qui autem seorsum  
vsurpantur, puluerati, ut quando compositionibus miscen-  
tur, ex vino, vel iure, vel aquis distillatis quidam sumun-  
tur: alij in cote medica liquore idoneo soluuntur: alij aliter  
in vsum veniunt, pro varijs ipsorum viribus, varia partis  
& vlcis forma & situ. Fiunt autem trochisci, id est, ro-  
tula, vel cyclisci, id est, circuli, vel artisci, id est, pastilli, seu  
parui panes, consistentia dura, forma lupuli, aut paulo al-

tiore: ponderis ferè drachmæ vnius, quò facilius ad diuturnam conseruationem siccentur.

† In aqua  
rosarum so-  
luti.

**T**Roch. galliæ moschatae, cerebrum, corque roborat, oris atq; adeò corporis totius odorem commendat, compositionibus aliis miscetur: recipit xylaloës crudæ, bonæ, electæ, partes quinq;: ambræ, partes duas: moschi boni, partē vnā, glutinis, tragacanthi & aquæ rosatæ quantū sufficit ad ea comprehendenda. Fiant trochisci figura folij myrtei, figillantur, vase vitreo reponantur. Alij ambram in vase vitreo dissoluunt oleo balanino pauco: ac eo cætera comprehendunt.

10

*Potest huius drach. vna multis consequenter matutinis ex vino, vel iure, vel aqua destillata idonea sumi, ad roborandum ventriculū, hepar, & partes alias nutritorias longo morbo fractas. Possunt ydem in electaria solida cum saccharo, vel liquida cum melle recipi, vt horum vnc. dua, si delicatius: vel tres: si efficacius vis medicamentum, sacchari vel mellis libram vnā habeant. Electarij autem huiusmodi sumitur vnc. dimid. vt prius. Afferri ex Oriente, sed malè paratam dicit Manardus.*

**T**Roch. galliæ Sebellinæ, ventriculū, cor, hepar, imbecil- 20  
la roborant: in alias compositiones magnas immittuntur: recipiunt foliorum rosarum recentium, humidarum, se aperire incipientium vnc. vnā & dimidiam: tere curiosimè in mortario lapideo: tunc ipisaloës bonæ, caryophyllorum, gummi, spicæ Indæ, ana drachmam vnā & dimidiam: fantali citrini, drachmas duas: ramich, drachmas tres: omnia minutissimè trita commisce, & contere diem vnā cum rosis, aliquoties affundendo aquam rosatam infusionis gummi Arabici. Postremò aromatiza moschi drachm. vnius partibus duabus, ambræ & caphuræ ana aureo dimidio. Forma trochi- 30  
scos, & figilla.

*Recipitur in aromaticum nardinum. Sunt tamen qui eius loco troch. galliæ moschatae miscent.*

**O****T**Roch. galliæ aromaticæ, veteribus, celebratissimus ad cerebrum, cor, ventriculū, hepar, cæterasq; partes nutritorias roborandas, neruósque imbecillos illitu firmat: celebri

bribus deniq; compositionibus miscetur: recipit autem emblicarum exoffatarum, vnc. quatuor, quæ parum trita triduo in vase vitreo probe operculato macerentur lib. dimid. aquæ rosatæ, cui prius rosæ sicca, & cortices citrorum sint immerfi, infusiq;: deinde aquæ rosarum prædictæ infusionis vnc. quatuor præterea immitte, & postridie tantūdem, donec emblicarum virtus aquis sit impressa. Tunc accipe ligni aloës drach. octo: ramich vnc. vnam & dimid. rosarum, caryophyl. ana drac. decem, spicæ Indæ drach. tres: fantali flauī aromatici drach. quatuor: gummi Arabici drach. sex: tere tenuissimè, & cum prædicta infusione emblicarum paulatim adiecta misce, & finge trochiscos: sigilla, aromatiza caphuræ & moschi ana drac. vna: ambra drach. duabus, serua vitreo vase.

**T**Roch. galliæ magnæ, seu regalis, ventriculum, cor, hepatis, & cæterasque partes nutritorias roborat: appetentiam excitat, coctionem iuuat: recipit succi dactylorum immaturorum, lib. vnam quæ semel feruefiat, cola: in ea coque ad mellis crassitiem, gallarum recentium curiosè tritarū, vnc. tres: deinde rosarū rubrarum, vnc. vnam: cardamomi, seminis fraxini, caryophyllorum, nucis moschatae, mastiches, ligni aloës, ana drachmas septem & dimidiam: cinnamomi drach. tres: fantali flauī drach. quinque: croci drachm. dimidiam, gummi Arabici drach. vnam: tere, cribra, misce prædictis, extende super marmor oleo amygdal. vinctum donec siccentur: terantur tunc tenuissimè, moschi aureo dimidio aromatizentur cum aqua rosata: fiant trochisci parui, siccentur in vmbra.

**T**Roch. diarhodon, efficacissimi ad febres pituitosas, antiquatas, aliis implexas, formam corrumpentes, ventriculi doctorem leniendū, & humores ipsi adhaerentes detergendos: recipiunt foliorum rosarū rubrarum aureos sex: spicæ aromatica, ligni aloës, ana aureos duos: glycyrrhizæ aureos tres: spodij aureum vnum: croci aureum dimidium: mastiches drach. duas cum vino albo fac trochiscos drach. vnius pondere.

*Hos trochiscos Mesues suis compositionibus magnis miscet. Nicolaus autem suos diarhodon his diuersos suis.*

**T**Rochi. de rosis, ventriculum & hepar firmant, humoresque ab illo detergent: ob id phlegmaticæ febri conducunt: recipiunt foliorum rosarum, drachmas decem: glycyrrhizæ drachmas quinque: spicæ aromatica, drachmas duas

& dimidiam: vino albo excipe: si purgatorios vis, adde scammonij drachmas tres.

*Dantur ad ventriculi & hepatis, & aliarum partium nutritoriarum imbecillitatem ex morbo longo, & intemperie frigida, humida, febres antiquas, hydropis initium. Quamvis autem diarbodon significet de rosis, tamen hoc loco differunt, ut apud Galenum, & alios leucacantha, & acantha leuce: chalcanthum: & chalchu anthos: aphronitron, & aphros nitru, & alia pleraque, ob aliquam differentiam nunc coniuncta, nunc diuisa.*

10

○ **T** Roch. de rosis & eupatorio, obstructionem hepatis probe leuant, & inde nascentes, icterum, febres antiquas, & aliis complexas: recipiunt foliorum rosarum, drachmas octo: spicae, rhabarbari, glycyrrhizae, ana drachmas tres: spodij, drachmam vnam & dimidiam: succi eupatorij drachm. decem: cum manna fac trochiscos.

○ **T** Roch. de rosis multorum scriptis celebrati, efficaces ad multos affectus: praesertim ad ventriculi dolorem, malam coctionem, febres antiquas, hydropem incipientem, & illos maximè, quibus forma corrumpitur: recipiunt rosarum drachmas quatuor: ligni aloës, drachmas duas: mastiches, drachmam vnam & dimidiam: absinthij Romani, cinnamomi, spicae nardi, casiae lignae, schœnu anthus, ana drachm. vnam: cum vino antiquo, & aqua decoctionis radicum, fac trochiscos drachmarum duarum.

20

*Radices sunt vreticae quinque intelligendae, rusci, asparagi, apij, petroselini, fœniculi.*

† **T** Roch. Ramich, ventriculum, cor, hepar imbecilla firmat, & lubrica viscera ac intestina, choleram morbum  
Troch. Ra-  
mich Arab. fistit, acrimoniam obtundit, animum reddit tranquillum, o- 30  
id misturae mitem hæmorrhagiam cohibet: ob quam naribus sanguine  
ex gallijs et fluentibus flando impellitur, aliis medicamentis miscetur: re-  
vuis passis, cipit oxalidis vncias sexdecim: semel feruefiant cum rosa-  
rum vncia vna: baccarum myrti, vncijs duabus: cola: his mi-  
interpretã- sce gallarum recentium curiosè tritarum vncias tres: coque  
tur. iterum. Deinde pulueriza super ipsa foliorum rosarum vn-  
ciam

etiam vnam : fantali flauī vnc. vnam, & quartam: gummi Arabici, vnciam vnam : & dimidiam carnium rhois, spodij, ana drach. octo: omphacij, drachmas septem: succi baccarum myrti multum tritarum, vncias quatuor: ligni aloës caryophyllorum, macis, nucis moschatae, ana drachmas quatuor: misce omnia simul, & extende in scutella lapidea vsque dum siccentur: post tere minutim, & cum caphuræ aureo vno, & aqua rosarum fac trochiscos paruos, sicca in umbra. Sunt qui loco succi oxalidis sumunt succum cydoniorum immaturorum: 10 quidam quoque aromatizant moschi drachmæ vnius quarta parte.

*In multas compositiones recipitur, propter quas solas quibusdam paratur, illas compositiones vsurpantibus. Ramich autem serapioni gallia est, aut galliæ materia. Gallia autem videntur trochisci quidam prædicti vocari à gallis fructibus: quas ferè recipiunt, aut per se aut per trochiscos ramich, qui gallarum vncias tres recipiunt.*

*Gallia autem moschata cur sit appellata, non video, cum nec gallas, nec ramich accipiat: ramich autem nescio an ex 20 rumice Latina voce corruptum est, quem largissimum hæc compositio recipit.*

**T**rochisci caphuræ, ad febres ardentes bilis & sanguinis † feruorem, ventriculi & hepatis intemperiem calidam, & ab his sitim inexpletam, icterum, quoque, ac phthisim & hecticam conferunt: recipiuntque foliorum rosarum drachmas quatuor: spodij, glycyrrhiæ, ana drachmas duas: santalorum flauorum, drachmas duas, & dimidiam: croci, seminum melonum, citruli, cucumeris, cucurbitæ tragacanthi, gummi, spicæ, ana drachmam vnam: ligni aloës, cardamomi, amyli, caphuræ, ana drach. vnius partes duas: sacchari albi, & mannæ, ana drachmas tres: comprehende mucagine feminis psyllij, & † aqua rosarum. 30

† Extracta cum succo rosarum.

*Vt præcedentes parantur, non quòd per se vsurpentur, sed quòd in alias compositiones veniant. Spicam tamen & crocum, xylaloën, cardamomum, & etiam saccharum, mannam, febribus acutis noxia tolle, si contra ipsas his es vsu-*

*rus. Trochisci albi, seu collyrium album Rasis his affines sublatis calidis: recipiunt cerusæ lotæ, drachmas decem: amyli drachmas quatuor: gummi Arabici, tragacanthi, ana drachmas duas: caphuræ drachmam dimidiam: Fiant trochisci sic, gummis aqua rosarum solutis addatur reliquorum puluis tenuissimus. Fiant trochisci à medico utendi in collyria sicca, vel humida.*

† **T** Roch. rhabarbari, valent ad hepatis obstructionem, dolorem, tumores præter naturã, affectus inueteratos eiudem, & hydropem, & icterum, & formæ corruptionem: recipiunt rhabarbari boni, drachmas decem: succi eupatorij, amygdalarum amararum, ana drachmas quatuor: rosarum, drachmas tres: spicæ, anisi, rubiæ, absinthij, asari. seminis apij, ana drachmam vnam: fac trochiscos ponderis vnius aurei. 10

*Quibusdam sunt in usu ad frigidos, & pituitosos, ac etiam biliosos affectus hepatis, quibus corporis habitudo seu forma cachexia corrumpitur, ut in hydropicis & ictericis & cæteris cacheeticis, ob hepatis deprauatam actionem. Dantur drachma vna ex aqua aut vino, pro affectuum & aliorum indicantium natura. Ad comprehendenda autem omnia, ut trochisci fiant, succo eupatorij largiore opus est. Troch. ex rheo Indico Actuarij sunt his affines: ponderibus tamen variant.* 20

○ **T** Roch. spodij efficacissimi in febres acutas ventriculi, & hepatis inflammationem, & sitim vehementem: recipiunt spodii, drachmas quatuor: rosarum rubrarum, drachmas septem: seminis portulacæ, succi glycyrrhizæ, ana drachmas duas cum mucagine sem. spyllij, fac trochiscos drachmæ. vnius, vtere cum succo mali granati. Sunt qui addunt seminum quatuor, gummi Arabici, tragacanthi, croci, ana drach. vnam & dimidiam. 30

† **T** Roch. spodii alii, cum semine oxalidis ad febres biliosas cum alui fluore valent: inflammationem ventriculi & hepatis, & sitim continuam sedant: recipiunt rosarum rub. drach. duodecim: spodij, drachmas decem: seminis oxalidis, drachmas sex: seminis portulacæ, seminum coriandri ace

to maceratorum, & torrefactorū, pulpæ rhois, ana drachmas duas & dimid. amyli afsi, balauftiorū, baccarū oxyacanthæ, ana drach. duas: gummi Arabici afsi, drach. vnam & dimidiam: comprehende omphacio: vtere cum aliquo succo adstringēte.

*Fluorem alui & dysenteriam inuant, vel poti drachma vna cum aqua plantaginis, aut vino austero, aqua chalybata iugulato si febris adest: vel drachmis duabus clystere iniecti: purgato tamen prius corpore per rhabarbarum torrefactum, vel simile, & intestinis clystere alio antè de-*  
 10 *tersis: suum verò et febrilem ardorem extinguit cum aqua intybi, cichory, vel alia.*

**T**Roch. oxyacanthæ, febres ardentes extinguunt, ac sitim vehementem: recipiunt baccarum oxyacanthæ, aut succi earū, succi glycyrrhizæ, seminis portulacæ: spodij, ana drac. tres: rosarum, drachmas sex: spicæ, croci, amyli, tragacanthi, ana drach. vnam seminis citruli, drach. tres & dimid. caphuræ, drach. dimid. cum manna fac trochiscos.

**T**Roch. oxyacanthæ alij, ad intemperiem calidam, fluorem alui, hepatis dolorem: recipiunt baccarum oxyacanthæ drachmas duas: spodij, mastiches, xylaloës, gal-  
 20 *liæ, spicæ, seminis oxalidis, ana drachmam vnam: rosarum, drachmas quinque: gummi, drachmas tres: cum aqua rosarum fac trochiscos.*

*Rarior usu hic, quàm superior: amborum loco fuerit vna oxyacantha condita.*

**T**Roch. absinthij, obstructiones ventriculi & hepatis, & ab his dolorem, & febres antiquas tollunt: dictas partes, reliquasque nutritorias roborant, appetentiam excitant: recipiunt rosarum, absinthij, anisi, ana drachmas duas: rhabarbari, succi eupatorij, asari, apij, amygdal. amararum, spicæ, mastiches, folij, ana drachmam vnam: fac trochiscos cum succo  
 30 *intybi. Da cum succo herbarum.*

*scilicet absinthij, eupatorij, apij, aut cum aqua ex ipsis destillata.*

**T**Roch. eupatorij, obstructionem & tumorem præter naturam hepatis & lienis sanant, ac inde natas febres antiquas, & harum rigorem, icterum incipientem hydropem:

recipiunt mannae, succi eupatorij, ana vnciam vnam: rosarum, vnciam dimid. spicae, drach. tres: rhabbari, asari, anisi, ana drachmas duas: spodij, drachmas tres & dimid. cum herbarum succis forma trochiscos, & cum iisdem vtere.

†eupatorij.

○ **T** Roch. anisi, obstructions hepatis, & alios eius morbos, & inde natas febres antiquas sanant: recipiunt anisi, eupatorij, ana drach. duas: seminis aneti, spicae, mastiches, folij, absinthij, asari, apij amygdalarum amararum, ana drachmam dimidiam: aloës drachmas duas: compone cum succo absinthij & apij. Da cum syrupo acetoso & succo herbarum. 10

○ **T** Roch. anisi alij ex decem simplicibus, hepatis vitia, & inde natas febres antiquas, & quartanas, & formam corruptentes sanare sunt à veteribus probati: recipiunt anisi, succi eupatorij, ana drach. quatuor: mastiches, spicae, apij, absinthij Romani, asari, folij, ana drach. vnam: amygdalarum amararum drach. vnam & dimid. aloës bonae, drach. duas: confice cum decocto absinthij.

*Materiam crassam tenuant: obstructions hepatis & lienis liberant: flatus dissipant.* 20

† **T** Roch. cancam, ad obstructions hepatis & lienis, & inde natas febres varias antiquas, & ascitem, vrinam mouent: recipiant cancam mundatam, succi glycyrrhizae, absinthij, oxyacanthae, succi eupatorij, rhabbari, aristolochiae longa, costi, asari, amygdalarum amararum, rubi, anisi, apij, fœnu anthus, ana drach. vnam: fac trochiscos ponderis drachmae vnius.

\* **T** Roch. terrae sigillatae nostri admodum efficaces ad sputum sanguinis, cum aqua plantaginis poti: ad fluorem verò sanguinis è naribus, fronti illiti ad mictum sanguinis, in vesicam iniecti, & ad alios hæmorrhagias, parti sanguine fluenti impositi: recipiant sanguinis draconis, gummi Arabici assis ramich, foliorum rosarum, & seminis earundem, amyli assis, spodij, acaciae, hypocisthidos, lapidis hæmatitae balaustij, boli Armenicæ terrae sigillatae, fumariae, corallij, succini, ana drachmas duas: margaritarum, tragacanthi, papaueris nigri, ana drach. vnam & dimid. portulacæ assae, cornu cerui vsti, thuris masculi, croci, ana drach. cum aqua plantaginis fac tro 30



trochiscos. Da cum aqua infusionis spodij, gummi, boli Armenicæ, spicæ: ad sputum sanguinis ex thorace aut pulmone reiecti, cum aqua portulacæ sumitur: ad excoriationē, cum succo cydoniorum, vel alio adstringente: ad hæmorrhagiam partium infernarum iniicitur cum aqua bursæ pastoris. Cogimur interdum his trochiscis addere opij drach. duas, aut plures, aut pauciores.

*Troch. sphragidis Lemnia, seu sigillati terra Lemnia, in fluore sanguinis è naribus, ex succo plantaginis & oui albumine soluti, fronti, & temporibus applicantur in mensibus immodicis, coxis internis, & lumbis. Sedenagi autem (quod hic habebat interpres) quidam non fumarium, sed cannabis semen intelligunt, quod euphisticidem alij dictum volunt.*

**T**Roch. colocynthidos in hieram Hermetis, & compositiones alias iniiciendi loco colocynthidos: recipiunt pul- Tr. alhādā.  
pæ colocynthidos albæ & leuis, & seminibus purgatæ, drach. decem: forcipibus incidantur, & fricentur cum vncia vna olei rosati: fac trochiscos cum mucagine ex tragacanthi, gummi, O  
20 bdellij, ana drach. sex: aqua rosarum dies quatuor maceratis, sicca in vmbra: tere iterum curiosè, & cum eadem mucagine forma rursus trochiscos, & vtete.

*Nechiera Hermetis, nec hi trochisci etiam in simplicibus Mesuæ descripti serpantur: salubriores tamen quàm ipsa colocynthis sunt.*

**T**Roch. santalorum, ad febrem ardētem, ventriculi & hepatis intemperiem calidam, & sitim: recipiunt trium santalorum ana drach. octo: spodij, seminum cucumeris, cucurbitæ citruli, portulacæ, boli Armenicæ, ana drach. quatuor: rosarum, drach. sex: fac trochiscos cum aqua portulacæ. Da cum O  
30 lacte acido, aut omphacio, aut succo acido citri, aut succo ribes.

**T**Roch. santalorum alij idem promittentes, recipiunt santalorum flauorum, drach. duas: gummi Arabici, seminis citruli excorticati, ana drach. vnam: seminum lactucæ, portulacæ, tragacanthi, succi glycyrrhizæ, ana drac. dimid. Fac trochiscos, vtete vt prius.

○ **T** Roch. Hamec, sedant inflammationem, ventrem leniunt, thoracem purgant: recipiunt foliorum violarum humidi & sicci mediorum, aureos duodecim: turbith albi & gummosi, aureos sex: succi glycyrrhizæ, aureos tres: manne, drachmas tres: fac trochiscos. Dantur aurei duo cum saccharo, aut pulpa casia fistulæ: his interdum coacti addimus scammonij drachmas duas.

*Drachmis duabus purgant aquas & pituitam crassam, flatusq; dissipant. Si autem scammonium acceperint, etiã bilem purgant sesquidrachma dati, Trochisci de violis in turbith, & capite de asthmate istis sunt finitimi.*

† **T** Roch. cyperi, corruptionem, malâmque coctionem ventriculi, & inde natum oris foetorem salubriter, & certò emendant: recipiunt zingiberis, cardamomi, nucis moschatae, cubearum, macis, caryophyllorum, galliæ, gummi Arabici, ana aureum vnum: corticũ citri, mastiche, florũ schœnu anthũs, cyperi, spicæ cinnamomi, emblicarum, extremitatum myrti, ana aureos duos: sunt qui addunt moschi ceratia duo: fac trochiscos cum melle vuato, vtere cum vino odoro post purgationem & vomitum.

*Horum trochiscorum drachma vna post vacationem materiæ in ventriculo putris & corruptæ, suo vapore tetra expirationem corrumpentis, odorem fœdum emendant, tum quia coctionem inuant aucto calore nativo, & ventriculo ab his roborato: tum quòd odore aromatico etiam cor & cerebrum roborante, oris halitum fœdum tegunt. Multum tamen calent, ob id astate suspecti, & quibus hepar est calidius.*

○ **T** Roch. ligni aloës, ventriculum, cor, hepar, imbecilla roborant: ob id valent ad oris foetorem, pulsus cordis, & syncopem, hydropem: recipiunt ligni aloës, rosarum rubrarum, ana drachmas duas: mastiches, cinnamomi, caryophyllorum, galliæ, spicæ, macis, nucis moschatae, cubearum, cardamomi maioris & minoris, corticum citri, pastinacæ, ana drach. vnam & dimidiam: moschi, ambræ, ana drachm. vnius partem sextam: fac trochiscos cum melle vuato. Da cum vino odoro & aromatico.

**T**Roch. capparum, ad splenis duritiem & flatum eius dissipandos, recipit corticum radicis capparum, seminis agrij, ana drach. sex: melanthij, calaminthes, acori, amygdalarum amararum, nasturtij, hammoniaco foliorum rutæ, aristolochiæ rotundæ, succi eupatorii, ana drachm. duas: cyperi, scolopendrij, ana drach. vnam: puluis horum omnium comprehendatur hammoniaco aceto dissoluto. Datur aureus vnus cum vino, cui incocta sint, radix capparum, cortex fraxini, & cortex tamaricis, aut extremitates ramorum eius & cortex salicum. Sunt  
10 qui valentius efficiunt duplicato hammoniaco.

*Materias crassas melancholicas tenuant, lienis & hepatis obstructions liberant, sicq; duritiem eorum sanant: flatum crassos indidem & ex partibus alijs dissipant. Dantur ieiunis cum vino tenui, vel aqua assplenij. Cortex salicis adstringens, parum scopis propositis conuenit.*

**T**Roch. electri, omnem hæmorrhagiam sistunt: recipiunt succini, aur. sex: cornu cerui vsti, gummi vsti, corallij vsti, tragacanthi, acaçiæ, hypocisthidos, balauustij, mastiches, cancamii, papaueris nigri asii, ana aureos duos, thuris, croci, opij, ana aureum vnum & dimidium: fac trochiscos cum mucagine feminis psyllij.  
20

*Δι' ἡλεκτρῶς, seu ex succino, fluxum sanguinis præsertim à thorace, pulmone, hepate, renibus, vtero, hæmorrhoidibus drach. vna sumpti cum aqua, aut succo plantaginis, vel polygoni, vel similium, aut vino granatorum, aut omphacio non falso, aut vino austero imbecillo, & aqua pluuia chalybata. In dysenteria quoque clystere injiciuntur corpore purgato per rhabarbarum, vel alio comprimendo vacuato.*

*Paulo autem fiunt troch. diaelectru ex psyllij vnc. quinque, mastiches, electri, scobis, iridis, croci, ana vnc. quatuor, vel cum Gale. Oribasio, Actuario, drachm. triginta. opij, vnc. duabus, vel cum Oribasio & actuario drach. quindecim: cetera apud hos sunt eadem, nisi quod Actuarium scobis loti rectè addit. Nam lotus arbor siccatur, adstringit decocto suorum ramentorum in aqua aut vino, etiam Gale. lib. 7: simpl.*  
30

\*  
Tro. Carabæ.

† Aqua feruente macerati.

*simpl. ut pilos fluentes cohibeat, & fluxum muliebrem, dysenteriam, cæliacum affectum.*

† **T**Roch. halicacabi, ad renum & vesicæ vlcera, & natam inde dysuriam, recipiunt baccarum, halicacabi, drachm. tres: seminis citruli, melonis Indi, cucurbitæ, ana drach. tres & dimidiam: boli Armenicæ, gummi Arabici, thuris, sanguinis draconis, papaueris albi, amygdalarum amararum, succi glycyrrhizæ, tragacanthi, amyli, nucleorum pineorum, ana drac. sex: seminis apij, succini, tболи, hyoscyami, opij, ana drac. duas. Da drach. vnam cum iulep. aut cum hydromelite. 10

† Simopidis,  
vel milti,  
seu macra  
Manard.

*Hi trochisci διακουαλιδωρ, id est, de halicacabo: conueniunt ardori vrinæ quam vocant ab vlceratis renibus, vreteribus, vesica, meatu vrinario pluribus continenter diebus assumpti cum iulep. rosato vel hydromelite, vel vino austero imbecillo. Nam vlcera tergent, glutinant, & cicatrice tegunt, & vrinæ acrimoniam vlceribus mordacem mitigant, strigmenta cum vrinis mucosa & dolorifica obtundunt. Possunt etiam sine opio parari. Alia est compositio Pauli & Actuarij, magna parte cum hac conueniens. Hactenus trochisci Mesuæ. Trochisci ex agarico fiunt 20*

*ex ipsius puluere cum vino albo, cui Zingiber fuerit infusum, vires habet agarici, sed tutius agit, minoreq; ventriculi noxa. Trochisci dia glauciu Gal. ad phlegmonas mediocres, non pulsatiles, incipientes præsertim aurium, oculorum, & erysipelata incipientia, & œdemata, & aurium vlcera. Glaucium ex aqua pluuiæ diligenter tere: forma pastillos, addita gummeos parte duodecima, aut decimaquinta, si fragilius fuerit, quàm formari possit. Tro. Andronis, Pasionis, Polyida multiplex lib. c. ph. g. & Paulo lib. 7. Tr.*

Lib. 14. me.

*dia opiu Galeni, ad aurium inflammatarum dolorem magnum, & implacabilem: recipiunt castorij per se leuigati accuratè, drach. vnam, opij in sapa dissoluti, drachmam vnam, si dolor sit vehementissimus: si minor est, drachma dimi*

Li. 3. c. ph. p.

*30*

dimidia: tempore vtendi dissolue sapa ex musto (hoc enim magis mulcet dolorem, quam Vinum dulce) in consistentiam, quæ clystere auriculario possit auribus infundi. Trochisci bechici tussim ab arteriæ asperæ siccitate & caliditate leniunt, in catapotijs dicta recipiunt succi glycyrrhizæ, sacchari optimi, ana drach. sex: amyli, tragacanthi, amygdala. dulcium, ana drach. quatuor: cum succo sem. psilly, vel sem. cydoniorum forma. Troch. albi idem pollentes, ex gummi tragacanthi, in aqua rosarum dissoluti, & saccha. albiss. q. s. Si insomnia adest, misce sem. lactucæ, & papaueris, ana drach. vnam: & in catharro acri. Mirum est vulgus catapotia vocare has hypoglottidas, & arteriacas antidotos, cum lupini forma fiant vti cætera. Etiam si Mesues harum autor pilulas vocet: alia sunt bechica Alexandropag. 120. Quauis catapotia etiam bechica inueniantur, qualia sunt hæc Gale. lib. 7. com. ph. par. dolorem lenientia, somnum conciliantia, & sanguinem spuentibus salubria: styracis vncia vna, opij, myrrhæ, ana semuncia, passo dissoluta finge in catapotia, erui magnitudine dāda dormituro.

## SECTIO OCTAVA,

## DE PVLVERIBVS.

20 **P**ulueres odorati tenuissimi, & compositi, cum liquore aliquando bibendi: Arabibus suffus dicti, vsu hodie rarissimi.

**P**vluis ligni aloës, ventriculi humiditatē immodicam siccat, flatu dissoluit, coctionem iuuat: recipit ligni aloës vnciam dimidiā: galliæ aureum vnum & dimidiū, saccha. albi, vnciam vnam & dimidiam, potatur drach. tribus cum miua.

Cum miua simplici, vel aromatica, & aqua fœniculi, vel menthæ, vel absinthij horis duabus ante cibum, & si vis, vespere hora somni.

Pul